

Unchee', ech ixe'tia'n u Jeovaa tza':

—Sachee saj —teëtu'. Utz, yaquich cheeoj u saj. Ech ijatxtu tib u uquen tuch' u saj. Ech icheeca u saj; ech tatin u uquen. Ech vixe't u baxa k'ii.

Unchee', til u Jeovaa aas ba'n elcu u tak'o ia'na. Ech va'len tepaj ia'n tu u ca'b k'ii:

—Sunjatx tuul u a' tzi'. Ca' tanul sa'elca —teë paj. Tu co'ë paj viyol tala, ijatx tib u a' tuul. Atin ixo'l, niyolonca. Unnic'amil caaca sijak'; unnic'amil ben tiba. Ia'n tuche'; ech ibens amlica.

Unchee', til paj u Jeovaa aas ba'n paj elca. Ech tepaj u tak'on ia'n tu u toxva' k'ii tza'.

Unchee', tal u Jeovaa ti' u a' va'l caaca sijak':

—Simol tib u a' tzi' —teëtu'—.

Ma'l co'n sa'elca. Jic sa'atin ma'l tatibal —teëtu'—. Ech suncheesa u tx'ava' —teëtu'—. Tu co'x paj viyol tala, ech icheeca u tx'ava'. Ech iben mar u a' val imol tib.

Unchee', til u Jeovaa aas ba'n paj elca; ech tepaj tal ichee k'u tze' cajayil savatzini. Utz, aatz k'ul ivatz k'u tze' sacheei utz, sa'itz'pu k'ul ibak' chuccraj tilon k'u tze' sijununil —teëtu'.

—Sa'motxchee vatzomla tze' majte. Aya' k'u tze' k'u'l salo'ch k'ul ivatz. Utz, sa'pajitz'pu k'ul ibak' k'ul ivatz majte —teëtu'.

Unchee', ech icheeca cajayil tilon junun k'u vatzomla tze'. Ech micheeca k'u itza majte; k'u'l nititz'pu k'ul ivatz.

Publicado por

LA SOCIEDAD BÍBLICA DE NUEVA YORK INTERNATIONAL
144 Ticee Lane • East Brunswick, N.J. 08816

Agradecemos a la Sociedad Bíblica Internacional de Nueva York por su contribución para la publicación de este libro y a David C. Cook Foundation por el permiso para usar los dibujos que en él aparecen.

La Creación y los primeros habitantes
en Ixil de Cotzal.

5C.

1981.



Impreso en los talleres del
Instituto Lingüístico de Verano
en Guatemala

Ixil: Cotzal
1981, Sels.
Creation. SIL
vrsn. NYIBS
51996